

漢書辨疑

漢書辨疑卷十五

嘉定錢大昭晦之甫學

地理志下

武都郡 武都隴西金城天水武威張掖酒泉敦煌安定
皆當云屬涼州今脫

武帝元鼎六年置 後漢西南夷傳云白馬氏者武帝元
鼎六年開分廣漢西部合以爲武都

隴西郡秦置 案異姓諸侯王表云漢拔我隴西則高帝
元年屬雍國二年方屬漢

上邽 續志屬漢陽

羌道 續志屬武都 西 續志屬漢陽

金城郡 昭帝紀始元六年以邊塞闊遠取天水隴西張掖各二縣置金城郡

枹罕 續志屬隴西

河關 水經注引地理志云宣帝神爵二年置河關縣蓋取河之關塞據此則今本脫宣帝以下七字河關續志屬隴西

允街莽曰脩遠 水經注脩遠下有亭宇

臨羌莽曰鹽羌 鹽字誤水經注作監羌

天水郡冀 說文作驥

張掖郡顯美 續志屬武威

酒泉郡池頭 續志作沙頭

敦煌郡冥安西北入其澤 其當作冥

效穀本魚澤障 孫寶傳上以唐林朋黨比周左遷敦煌

魚澤障候

安定郡朝那又有秋淵祠 秋當作湫

參嘉 續志屬北地

祖厲 續志屬武威

鶉陰 續志作鷁陰屬武威

北地郡秦置 案高帝元年屬雍國二年屬漢

芥曰威成 水經注作威戎

直路且水出東西入洛 說文澶水出北地直路西東入

洛據此則且當作澶東當作西西當作東也水經作沮

云沮水出北地直路縣東過馮翊祀祈縣東北入于洛
注云俗謂之漆水又謂之漆沮水

靈武莽曰威成亭 水經注作威戎亭李賢曰靈武有谷
在今靈州懷遠縣西北

鶉孤 續志作鶉觚屬安定

歸德 中興省宋白曰慶州華池縣本漢歸德縣地又通
遼軍西北有歸德川

郁郅有牧師苑官 漢制邊郡牧師苑官有六郡謂隴西
天水安定北地西河也志中惟記其一遼東襄平
亦有牧師官又在六郡之外矣

弋居有鹽官 續志弋居有鐵似當云有鐵官

上郡屬并州 屬朔方部不屬并州

元年更爲翟國七月復故 七月上疑脫二年二字

白土園水出西東入河 東水經注作南

高奴 翟王董翳都

有洧水可糶 據水經注洧水下常有肥字

宜都莽曰堅寧 水經注堅寧下有亭字

西河郡美稷 說文南西河美稷保東北水

中陽 說文馮水出西河中陽北沙南入河

大成 續志屬朔方

平周 衛霍傳稱路博德西河平州人周州古字通

虎猛西部都尉治 有制虜塞見匈奴傳

臨水莽曰堅水 堅南雍本閩本竝作監

觥是 說文觥角觥曲也西河有觥氏縣氏與是古字通
曲禮云五官之長曰伯是職方鄭注云是或爲氏覲禮
云太史是右注云古文是爲氏

朔方郡 武帝元封中別令刺史監之不在十三州之限
故平當肅育翟方進竝爲朔方刺史

緣渾屠申澤在東 水經注云屠申澤東西一百二十里
五原郡蒲澤 南雍本閩本竝作蒲澤

南興 當作南興

成宜中部都尉治原高 高水經注作亭

西安陽莽曰漳安 水經注作鄣安

雲中郡縣十一 周勃世家云定雲中郡十二縣是秦領

縣十二

北與注闕駟云廣陵有與故此加北 案水經注云五原
有南與故此加北闕駟之說太疏遠也

定襄郡成樂 武進 定襄 續志俱屬雲中

雁門郡縣十四 周勃世家定雁門郡十七縣是秦領縣
十七

善無 中陵 續志俱屬定襄

陰館樓煩鄉 樓煩上當有故字

莽曰富代 水經注作富臧

代郡有五原關 成帝紀及說文竝作五阮關

當城注當桓都城 水經注桓都下有山作二字

且如于延水出塞外東至寧人沽 據水經注當作出北

塞外東至廣寧入治師古音沽爲姑誤平舒下沽字亦

當作治

平邑 續志作北平邑

廣昌 續志屬中山國

鹵城 續志屬雁門

東至參合入庫池別 據水經注合當作戶別下當有河

字

上谷郡縣十五 周勃傳云定上谷十二縣是秦領縣十

二

軍都溫餘水 軍都續志屬廣陽溫餘水水經注作涇餘水

昌平 續志屬廣陽

且居樂陽水出東東入海 據水經注樂陽當作陽樂海當作沽

漁陽郡莽曰北順 案右北平莽改北順此必不同閭本作通路當從之

縣十二 周勃傳定漁陽二十二縣與此大不同疑彼傳衍二字秦領縣亦止十二

泉州有鹽官 續志泉州有鐵此鹽字或鐵之譌
右北平郡縣十六 秦領縣亦止十六見周勃傳

遼西郡 常有莽曰令支四字何以知之雁門郡莽曰填狄其屬縣塢則曰填狄亭代郡莽曰厭狄其屬縣代則曰厭狄亭上谷郡莽曰朔調其屬縣夷輿則曰朔調亭漁陽郡莽曰通路其屬縣路則曰通路亭右北平莽曰北順其屬縣徐無則曰北順亭今遼西屬縣惟令氏莽曰令氏亭亦其例也

縣十四 史記絳侯世家云定遼東遼西二十九縣今地理志遼東西有卅二縣與史記不同蓋後有析置者耳柳城 續志無李賢曰故城在今營州南

肥如莽曰肥而 如而古字通

狐蘇唐就水 水經注作居就水形相似而譌

文井曰受亭 受南雍本閩本竝作文

沓氏注應劭曰氏水也 氏水南雍本閩本作沓水

元菟郡西蓋馬 馬續志作鳥

樂浪郡有雲韜 雲韜疑卽今所謂烟瘴

不而東郡都尉治 郡當作部

南海郡中宿有涯浦官 官當作關

鬱林郡 說文作鬱林

中畱注畱水名 說文畱水出鬱林郡

交趾郡北帶 閩本作比帶

合浦郡臨允牢水北入高要入鬱 北入當作北至

九真郡 脫屬交州三字

趙國故秦邯鄲郡縣四 秦領縣六見靳歙傳

廣平國曲梁侯國 平干頃王子敬所封續志屬魏郡

陽臺侯國 平干頃王子田所封表作陽城疑誤臺閭本

作臺案說文云籀文堂从高省疑此卽臺字

眞定國眞定 續志屬常山國

縣曼斯浚水東至鄒入河 水經注作入章河

中山國盧奴應劭曰盧水出右北平 案北平卽下文北

平縣也右字衍水經注云黑水曰盧不流曰奴

北平又有盧水亦至高陽入河 據水經注河當作博

北新成莽曰朔平 水經注作朔寧續志屬涿郡

望都博水東至高陽入河 據水經注河當作滹

陸成 元朔二年封中山靖王子貞爲侯國表作陸城

信都國南宮莽曰序下 水經濁漳水注作序中

信都 項羽封耳爲常山王治信都更名襄國見張耳傳
又云追殺趙王歇襄國亦謂此信都也

廣川 續志屬清河國

樂鄉侯國 河閒獻王子佟所封

平隄侯國 河閒獻王子招所封

西梁侯國 廣川戴王子闢兵所封

昌成侯國 廣川繆王子元所封後漢改爲阜城

東昌侯國莽曰田昌 清河綱王子成所封田昌疑是西

昌

脩 續志屬勃海

河閒國 脫屬冀州三字

武隧 續志屬安平國

弓高莽曰樂成 水經注樂成下有亭字

廣陽國 脫屬冀州三字

劇應劭曰故肥國今肥亭是 劇續志屬北海注二肥字

據水經注皆當作紀

東安平 續志屬北海

膠東國 脫屬青州句

卽墨 續志屬北海

下密有三台山祠 台當作戶見郊祀志

高密 壯武 觀陽 續志俱屬北海

高密國 脫屬青州句

高密 昌安 夷安 續志俱屬北海

城陽國 莒 陽都 東安 續志俱屬琅邪

淮陽國 高帝十一年置 案高帝十一年置淮陽國以封

皇子友 孝惠元年徙封于趙 當改爲郡 故孝惠孝武時

中屠嘉汲黯司馬安灌夫爲淮陽守也 宣帝復置以封

皇子欽 莽敗乃絕 依志例 當云惠帝元年更爲郡 宣帝

元康三年復故 今脫漏

扶溝 續志屬陳畱

園 案王莽傳云其以益歲以南 付新平 蘇林曰陳畱園

縣莽改曰益歲據此則脫莽曰益歲四字圀續志屬陳
畱

梁國縣八 元朔中梁王襄有罪削五縣元延中梁王立
有罪復削五縣故止八縣

畱 續志屬陳畱

杼秋 續志屬梁國

已氏 續志續濟陰

睢陽禹貢盟諸澤在東北 當有青州數三字

東平國武帝元鼎元年爲大河郡 案夏侯勝傳初魯共
王分魯西寧鄉以封子節侯別屬大河大河後更名東
平韋元成嘗爲大河都尉

任城 亢父 樊 續志俱屬任城國

詩亭故詩國 詩當作邾左傳襄十三年取邾杜預曰亢父有邾亭說文解字邾附庸國在東平亢父邾亭
莽曰順又 水經注作順父

魯國屬豫州 郡國志云魯本屬徐州光武改屬豫州此
云豫州疑後人妄改

卞泗水西南至方與人沛 據水經注當作入沛渠
蕃南梁水西至胡陵入沛渠 沛當作沛

騶 說文作鄒云古邾國帝顓頊之後所封

楚國 後漢章帝省屬彭城

泗水國 脫屬徐州三字

莽曰水順 水經注作順水

凌 續志屬廣陵

注凌水所出入淮南 水經淮水注引作西南入淮

六安國 脫屬揚州三字建武十三年省屬廬江

收 南雍本閩本攸下有注云音收今本攸作收又脫注

二字

成帝時劉向略言其域分 域閩本作地

漆與洧方灌灌分 毛詩作渙渙韓詩作洹洹陸氏釋文

云說文作汎汎今本說文無此訓

高士宦好文法 士南雍本閩本竝作仕

趙地昴畢之分壘 據荀悅漢紀昴畢上當有冏字

取之不足以更費注更賞也 賞閭本作償

船行可八月到日南象林界云 八南雍本閭本竝作二

地理志郡縣之名似各不同其有同者則加東西南北
上下以別之然細按之重見者亦復不少如曲陽三見
一屬九江莽曰延平亭一屬東海莽曰從羊一屬交趾
交趾作易師古曰古陽字建成三見一屬勃海一屬沛
郡侯國一屬豫章莽曰多聚劇兩見一屬北海侯國一
屬涪川國莽曰俞定陶兩見一屬濟陰莽曰濟平一屬
定襄莽曰迎符西平兩見一屬汝南莽曰新亭一屬臨
淮莽曰永聚陽城兩見一屬汝南侯國莽曰新安一屬
潁川平昌兩見一屬平原侯國一屬琅邪成陽兩見一

屬汝南侯國莽曰新利一屬濟陰東安兩見一屬東海
郡侯國莽曰業亭一屬城陽國新陽兩見一屬汝南莽
曰新明一屬東海侯國莽曰博聚鍾武兩見一屬江夏
郡侯國莽曰當利一屬零陵莽曰鍾桓高陵兩見一屬
左馮翊莽曰千春一屬琅邪侯國莽曰蒲睦成兩見一
屬泰山郡一屬涿郡侯國莽曰宜家新市兩見一屬中
山國一屬鉅鹿侯國莽曰市樂建陽兩見一屬九江一
屬東海侯國莽曰建力平安兩見一屬廣陵國莽曰杜
鄉一屬千乘侯國莽曰鴻睦平城兩見一屬北海侯國
一屬雁門莽曰平順臨胸兩見一屬東萊一屬齊郡莽
俱曰監胸新都兩見一屬廣漢一屬南陽侯國莽曰新

林昌陽兩見一屬東萊莽曰夙敬亭一屬臨淮侯國定陵兩見一屬潁川莽曰定城一屬汝南高平兩見一屬臨淮侯國莽曰成邛一屬安定莽曰鋪睦饒兩見一屬北海侯國一屬西河莽曰饒衍高陽兩見一屬涿郡莽曰高亭一屬琅邪侯國武城兩見一屬左馮翊莽曰桓城一屬定襄莽曰桓就廣平兩見一屬臨淮侯國莽曰平寧一屬廣平國陰山兩見一屬桂陽侯國一屬西河莽曰山寧樂成兩見一屬南陽侯國一屬河閒國莽曰陸信富平兩見一屬平原莽曰樂安亭一屬北地莽曰特武成安兩見一屬陳畱一屬潁川侯國復陽兩見一屬南陽侯國師古音房目反一屬清河莽曰樂歲應劭

曰復音腹安定三見一屬鉅鹿侯國一屬安定一屬交趾武陽兩見一屬東海侯國莽曰宏亭一屬犍爲莽曰戢成鄭兩見一屬京兆尹一屬山陽侯國成鄉兩見一屬北海莽曰石樂一屬高密國莽曰順成安陽兩見一屬汝南莽曰均夏一屬漢中陽樂兩見一屬東萊侯國莽曰延樂一屬遼西武都兩見一屬武都莽曰循虜一屬五原莽曰桓都歸德兩見一屬汝南莽曰歸惠一屬北地東陽兩見一屬臨淮一屬清河侯國莽曰胥陵黃兩見一屬山陽侯國一屬東萊莽曰意母安邛兩見一屬琅邪侯國莽曰寧鄉一屬北海莽曰誅郅開陽兩見一屬臨淮一屬東海莽曰厭虜樂陵兩見一屬平原莽

曰美陽一屬臨淮侯國安成兩見一屬汝南侯國莽曰
至成一屬長沙國莽曰思成西陽兩見一屬山陽侯國
一屬江夏安平兩見一屬涿郡莽曰廣望亭一屬豫章
侯國莽曰安寧高成兩見一屬勃海一屬南郡莽曰言
程新昌兩見一屬涿郡侯國一屬遼東朝陽兩見一屬
南陽莽曰厲信一屬濟南莽曰脩治新成兩見一屬河
南一屬北海侯國宜春兩見一屬汝南侯國莽曰宣孺
一屬豫章莽曰脩曉石城兩見一屬丹楊一屬右北平
其一郡中兩見者則有東海之平曲王莽一曰平端一
曰端平今備錄于此以便稽攷云

溝洫志

通醴二渠以引其河 醴河渠書作廝

蜀守李冰鑿離犖 犖當作雇說文雇高也从夨佳聲徐

鉉音都回切

令鑿涇水自中山西即瓠口爲渠 水經注云涇水東經

九嶷山東中山西謂之谷口卽此中山也

時鄭當時爲大司農 計其時當在元光三年尙未改名

大司農也當云大農令

穿溝渠三歲而通 閩本作二歲

上以用事萬里沙則還 則閩本作蹟

注菱草也音菱 閩本作音郊

又其口所居高於以分殺水力 南雍本閩本分下並有

流字

遣大司農非調 廣韻非亦姓風俗通有非子伯益之後
是姓非名調耳公卿表亦有此人師古以非調爲名疑
誤

發河南以東漕船五百艘 艘古艘字說文艘船總名从
木寔聲徐鉉曰今俗別作艘非是

大司空掾王橫 水經注河水篇同儒林傳作琅邪王璜
平中

漢書辨疑卷十五終

漢書辨疑卷十六

嘉定錢大昭晦之甫學

藝文志

哀帝復使向子侍中奉車都尉歆卒父業 傳作騎都尉

奉車

易傳周氏二篇 周氏雒陽人

韓氏二篇名嬰 嬰傳云以易授人推易意而爲之傳蓋
寬饒傳引韓氏易傳疑卽此也

丁氏八篇名寬 寬事齊田何復從周王孫受古義景帝
時寬爲梁孝王將軍詎吳楚號丁將軍作易說三萬言
訓故舉大誼而已

淮南王安聘明易者九人號九師法 法南雍本闕本竝

作說

京氏以嘉十二篇 儒林傳作殷嘉

人更三聖 易辨終備云至哉易三聖謀注云三聖伏羲

文王孔子也

漢興田和傳之 和當作何

書曰詩言志哥詠言 哥書作歌說文哥聲也从二可古

文以爲詞字

禮經七十篇 劉敞曰當作十七是也儒林傳魯高堂生

傳上禮十七篇

議奏三十八篇石渠 案書春秋論語議奏石渠下皆有

論字疑此脫論字

雅琴趙氏七篇 後漢書劉昆傳云能彈雅琴知清角之操

河閒獻王與毛生等共采周官及諸子言樂事者以作樂記 案食貨志王莽詔曰樂語有五均鄧展曰樂語樂元語河閒獻王所傳

穀梁傳十一卷師古曰名喜 喜閩本作嘉

鄒氏傳十一卷 王吉傳吉能爲騶氏春秋卽此也鄒騶古字通

公羊外傳五十篇 三史拾遺曰漢時公穀二家皆有外傳其書不傳大約似韓詩外傳今人稱國語爲外傳漢

志却無此名目

公羊董仲舒治獄十六篇 後漢書應劭傳云故膠西相董仲舒老病致仕朝廷每有政議數遣廷尉張湯親至陋巷問其得失於是作春秋決獄二百三十二事動以經對言之詳矣

魯夏侯說二十一篇 夏侯勝傳云勝字長公東平人爲太子太傅受詔撰尙書論語說

魯安昌侯說二十一篇 張禹傳云初禹爲師以上難數對已問經爲論語章句獻之

八體六技 李廌芸曰六技當是八篇之譌小學四十五篇併此八篇正合四十五篇之數

蒼頡一篇上七章秦丞相李斯作 案蒼頡爰歷博學凡
將急就元尚訓纂諸篇作書人姓名別具下文此處可
省攷工記注引倉頡篇有鞆𣎵柯𣎵正義云鞆𣎵是其
一篇內有治皮之事顏之推曰倉頡篇李斯所造而云
漢兼天下海內并厠豨黥韓覆畔討滅殘非本文也
急就一篇成帝時黃門令史游作 成帝當作元帝

教之六書謂象形象事象意象聲轉注假借 說文六書
作指事象形形聲會意餘同至六書之次第許慎說文
解字衛恒書勢江式論書表孔穎達書正義封演聞見
記皆同而鄭眾周禮注漢書經籍志隋書經籍志韋續
五十六種書其次第又各不同

太史試學童能諷書九千字以上乃得爲史又以六體試之案說文解字云漢興有艸書尉律學僮十七已上始試諷籀書九千字乃得爲吏又以八體試之許氏所云八體者漢初卽沿秦書八體之舊所謂大篆小篆刻符蟲書摹印署書爰書隸書是也若古文奇字篆書隸書繆篆蟲書之六體乃新莽時大司空甄豐等所定非漢初之制當從許氏說作八體至許氏說文九千三百五十三文雖非學僮所諷之九千字而斟酌篆文合以古籀博采通人信而有證言小學者無不奉爲準繩矣臣復續揚雄作十三章二閭本作三以十三章併八十九章正一百二章

古之學者耕且養 詩甫田疏引作且耕且養

三年而通一藝三十而五經立也 案三年通一藝故孔子十五志學三十而立

序六藝爲九種 此句當與上文相屬

孟子十一篇名軻 十一疑七字之譌或云七篇外有外篇四篇

閒之固因爲陳古今成敗也 閒問本作問

賈誼五十八篇 誼傳亦云凡所著述五十八篇今新書止五十六篇

桓寬鹽鐵論六十篇 汲古閣依宋板故于桓字作淵聖
御名四小字岡本竟作桓公孫田劉傳贊云汝南桓寬

次公推行鹽鐵之論增廣條目極其論難著數萬言

人揚雄一家十八篇 閩本作三十一篇

太公二百三十七篇謀八十一篇言七十一篇兵八十五篇 謀言兵就二百三十七篇而析言之太公其總名也

鬻子二十二篇名熊 今道藏本鬻子二十四篇又小說有鬻子說十九篇後世所加

關尹子九篇 案高誘注呂覽云關尹關正也名喜作道書九篇能相風角知將有神人而老子到喜說之請著上至經五千言而從之游也九篇者一字篇二柱篇三極篇四符篇五鑑篇六七篇七釜篇八壽篇九藥篇也

列子八篇 案高誘注呂覽云列子禦寇體道人也壺子
弟子又云著書八篇在莊子前莊子稱之也八篇者天
瑞一黃帝二周穆王三仲尼四湯問五力命六楊朱七
說符八也

長盧子九篇 九篇下南雍本閩本有注云楚人今本脫
王狄子一篇 閩本作正狄子

公子牟四篇 高誘注呂覽云子牟魏公子也作書四篇
魏伐中山得之以封子牟因曰中山公子牟也

田子二十五篇名駢 呂氏春秋云陳駢貴齊高誘注云
陳駢齊人也作道書二十五篇貴齊齊生死等古今也
田陳古通用劉向七略云齊田駢好談論故齊人爲語

曰天口駢

鵠冠子一篇 今道藏目錄云十有六篇隋書經籍志作

三卷

力牧二十二篇 兵陰陽又有力牧十五篇

捷子二篇 史記孟荀傳作接子接捷古字通內則接以太半鄭注接讀爲捷春秋經宋萬弑其君捷賈逵曰公羊穀梁作接荀子大略篇先事慮事謂之接楊倞曰接讀爲捷

公精生終始十四篇傳鄒爽始終書 案下有鄒子終始

五十六篇則此始終當作終始矣爽字亦誤作終始者是鄒衍非鄒爽也別有鄒爽子十二篇非終始書

南公三十一篇六國時案項籍傳南公稱曰楚雖三月
亡秦必楚服虔曰南公南方之老人也虞喜志林云南
公道士識廢興之數知亡秦者必於楚

衛侯官十二篇近世不知作者侯當作候衛尉屬官有
諸屯衛侯司馬二十二官逸其姓名故但書其官

公孫渾邪十五篇平曲侯案公孫賀傳云賀祖父昆邪
景帝時爲隴西守以將軍擊吳楚有功封平曲侯著書
十餘篇此作渾邪與功臣表同史記表作昆昆涪聲相
近

處子九篇今本史記作劇子徐廣曰按應劭氏姓注直
云處子也

慎子四十二篇名到 高誘注呂覽云慎子作法書四十
一篇在中不害韓非前申韓稱之徐廣曰今慎子劉向
所定有四十一篇

尹文子一篇 今道藏本上下二篇蓋本魏黃初末山陽
仲長氏詮次之舊故隋書經籍志已作二卷

公孫龍子十四篇 張守節曰按平原君傳與鄒衍同時
今道藏本上中下三卷與唐志同

惠子一篇名施 高誘注呂覽云惠子惠施宋人也仕魏
爲惠王相也孟子所見梁惠王也

龐煖二篇 此本從橫家兵權謀家有龐煖三篇

待詔金馬聊蒼三篇 嚴助傳作膠蒼按廣韻三蕭聊字

下云亦姓風俗通有聊翁爲漢侍中著子書據此則作膠者非是

孔甲盤盂二十六篇 應劭注田蚡傳作二十九篇

尉繚子二十九篇 南雍本閩本尉繚下無子字兵形勢又有尉繚三十一篇

則漫義而無所歸心 漫義猶漫衍也

蔡癸一篇 閩本蔡作祭

師曠六篇 說文鳥部引師曠曰南方有鳥名曰羌鵠黃頭赤目五色皆備疑卽此書又兵陰陽家有師曠八篇務成子十一篇 荀子大略篇云舜學于務成昭楊倞注引尸子曰務成昭之教舜曰避天下之逆從天下之順

天下不足取也避天下之順從天下之逆天下不足失也
大昭案五行家有務成子災異應十四卷房中家有
務成子陰道三十六卷疑皆後世依託

臣壽周紀七篇項國圉人 項國疑淮陽國之譌

虞初周說九百四十三篇河南人 案郊祀志云丁夫人
雒陽虞初等以方祠詛何奴大宛則虞初河南雒陽人
也

武帝時以方士侍郎隴黃車使者 隴闔本作號李善注
文選西京賦引曰以方士侍郎乘馬衣黃衣號黃車使
者大昭案今本注有脫落當從文選注所引增改
出楚鞍一家二十五篇 從諸子家出而入兵技巧

莊夫子賦二十四篇名忌 卽嚴夫子也此獨不避諱史

駁文

陽邳侯劉廙賦十九篇 齊悼惠王之子也史表陽作楊

廙作偃

光祿大夫張子儵賦三篇 蕭望之傳作子蟠

陽成侯劉德賦九篇 卽劉向之父

常侍郎莊忽奇賦十一篇 百官表加官有中常侍無常

侍郎然東方朔亦嘗爲常侍郎則武帝時有此加官矣

嚴助傳作嚴葱奇

注從行至茂陵造作賦 南齊本閩本作詔造賦

宗正劉辟彊賦八篇 辟彊字少卿楚元王之孫

郎中臣嬰齊賦十篇 道家有郎中嬰齊十二篇疑卽其人

給事黃門侍郎李息賦九篇 衛霍傳之李息別是一人非作賦者

李步昌賦二篇 儒家有鉤盾冗從李步昌八篇疑卽其人

別相陽賦五篇 庾信哀江南賦云相陽亭有離別之賦王伯厚遂以此相陽爲亭名大昭謂此說非也志以此處俱敘賦家姓名不載篇名信如伯厚說當言一篇不當有五篇竊意姓別名相陽耳廣韻十七薛別字云離也又姓何氏姓苑云揚州人皮列切

漢中都尉丞華龍賦二篇 龍與劉向王褒同時人

文雜賦三十四篇 文間本作大

詔賜中山靖王子噲及孺子妾冰未央材人歌詩四篇

案文選中山王孺子妾歌注引此文冰作并又引如淳注云孺子幼少稱也孺子宮人也

詩賦爲五種 南雍本間本詩賦上並有序字

吳起四十八篇 起衛人爲楚將李善注劉子駿移書太常博士文引曰吳起三十八篇古三四字皆積畫故作四彼作三隋書經籍志作一卷王應麟曰今本三卷六篇

季子十篇 間本作李子

右兵權謀十三家二百五十九篇省伊尹太公管子孫卿
子鵠冠子蘇子蒯通陸賈淮南王二百五十九種出司
馬法入禮也 案二百五十九種種字誤疑卽上文十
三家之篇數也所云省伊尹以下諸書今伊尹太公管
子鵠冠子在道家孫卿子陸賈在儒家蘇子蒯通在從
橫家淮南王在雜家竝不入禮注云出司馬法入禮者
因兵家下有出司馬法入禮而誤衍其文于此

右陰陽十六家 此陰陽與兵權謀兵形勢兵技巧同是
兵家陰陽上當脫兵字況法家者流之前已有陰陽家
者流矣下文陰陽者亦脫兵字章懷太子注張衡傳以
兵陰陽之風后十三篇地典六篇爲陰陽流又方回古

今攷引此已無兵字知唐宋本已脫

鮑子兵法十卷 閩本十作一案兵技巧本百九十九篇
此作一篇止得百九十八尙少一篇

武帝時軍政楊僕 軍政卽軍正也軍正有丞見胡建傳
僕曰旁氣行事占驗三卷 功臣表云成帝時光祿大夫
滑堪曰旁占驗曰鄧弱以長沙將兵侯疑卽此書

諫不能聽之王 王南雍本閩本竝作主

許商算術二十六卷 溝洫志云博士許商治尙書善爲
算

堪輿金匱十四卷 周禮占夢正義云按堪輿黃帝問天
老事云四月陽建于巳破于亥陰建于未破于癸是爲

陽破陰陰破陽又鄭注保章氏云堪輿雖有郡國所入
度非古數也今其存可言者十二次之分也星紀吳越
也元枴齊也姬晉衛也降婁魯也大梁趙也實沈晉也
鶉首秦也鶉火周也鶉尾楚也壽星鄭也大火宋也析
木燕也

秦一二十二九卷 當作二十九卷衍二字

五音奇肱用兵二十三卷 五音奇肱刑德二十一卷

案淮南兵畧訓云明於星辰日月之運刑德奇肱之數
向背左右之便此戰之助也

次二口羞用五事 五行志及孔光傳竝作羞師古曰羞
進也

周易三十八卷 周易下當有脫字

莫善於著龜 易繫詞作莫大陸氏釋文本作莫善云本
亦作莫大案何休注公羊亦引作莫善儀禮疏同賈公
彥曰凡艸之靈莫善于著凡蟲之知莫善於龜中山江
水出焉其中多良龜郭璞云良善也

相人二十四卷 相視也視人骨狀以知吉凶貴賤春秋
傳曰公孫敖問其能相人隋書經籍志相書四十六卷
外經三十九卷 南雍本閩本九作七

注痾音山諫反 南雍本閩本山諫反下有又音刪三字
故諺曰有病不治常得中醫 今吳人猶云不服藥爲中
醫

漢書辨疑卷十六終

漢書辨疑卷十七

嘉定錢大昭晦之書

陳勝傳

攻陳陳守令皆不在獨守丞與戰譙門中 案洪适隸續
云索隱謂秦無陳郡皆字是衍文守令與守丞同守非
官也劉原父云是陳縣之攝令游俠傳王游公謂茂陵
守令尹公曰君辱原涉如是一旦真令至復單車歸爲
府吏注云守茂陵令未真爲之隸釋有羊寶道碑云青
衣尉趙君到官六日郡召守鐵官長積四月徙守成都
令後還歸尉官又金鄉守長侯成碑云郡授五官掾功
曹守金鄉長卽家假印綬周憬碑陰有潁陽守長南平

丞寇祗三人者亦是以它君攝事然則守令守丞非真令丞也師古以爲郡守郡丞非是

勝迺立爲王號爲張楚 閩本號下無爲字

今趙又安敢害將軍之家乎 閩本又作獨無之字南雍本作獨有之

張賀軍勝出臨戰 軍下閩本有敗字

項籍傳

梁父卽楚名將項燕者也 漢紀云故楚將項燕之孫

請斬獄掾曹咎書 咎後爲楚海春侯大司馬

會稽假守通晉灼曰楚漢春秋云姓殷 漢紀作殷通

府中皆潛伏 史記作惛伏案說文惛失氣言傳殺讀書

惻善與惻古字通

徇下縣 此下縣與上文使人收下縣同漢紀作下邳縣
非是

聞陳嬰已下東陽 東陽屬臨淮郡水經注云淮陰縣楚
漢之閒爲東陽郡

謂其軍曰 南雍本閩本軍下有吏字

有名於楚 名閩本作功

梁已并秦嘉軍胡陵 南雍本閩本軍下皆重軍字

居鄉人范增 羽尊爲亞父封懋陽侯

故南公稱曰 藝文志陰陽家有南公三十一篇

卒食半菽 史記作芋菽徐廣曰芋一作半

羽使蒲將軍引兵渡三戶 水經注漳水東逕三戶峽爲

三戶津

擊秦軍汧水上 水經注汧水出武安山東南經汧城北

入漳

羽適立章邯爲雍王 是時但立爲王尙無封地至分天下以王諸侯邯乃王咸陽以西

遂西到新安 新安恆農縣括地志故城在洛州淝池縣東一十三里卽坑秦卒處

史卒多竊言 南雍本圖本竊言下有曰字

厯陽侯范增曰 厯陽九江縣

羽擊陳留外黃外黃不下 問本不重外黃二字

漢有善騎射曰樓煩 功臣表有樓煩將丁復蓋將樓煩
之兵耳樓煩非姓名

羽復引而東至東城 東城九江縣

願爲諸軍快戰 快漢紀及南雍本閭本竝作決

吾爲公得 史記作德古字通

以封五人皆爲列侯 喜赤泉侯醫杜衍侯馬童中水侯
勝涇陽侯武吳房侯

惠文武昭襄 史記作惠王武王無文昭襄

兼韓魏燕趙宋衛中山之眾 史記燕下有楚齊二字

流血漂鹵 鹵文選作櫓案說文櫓大盾也或作櫓此又

櫓之省文

威震四海 此句與下文除威震于殊俗史記及新書震皆作振古字通

舜蓋重童子 童古瞳字也說文本不从目

張耳傳

張耳大梁人也 大梁陳留之浚儀縣也陳勝傳謂之陳

人則秦時大梁屬陳縣歟

相國房君諫曰 相國當作柱國陳勝傳云以上蔡人房

君蔡賜爲上柱國史記作相國亦誤

難可獨立趙後 獨字下南雍本闕本俱重立字

且什一二相全 南雍本闕本作且什有一二相全

魏豹傳

酈生至豹謝曰 至南雍本閩本作往

田儋傳

形容尙未能敗猶可知也 知閩本作觀

韓王信傳

故立韓公子橫陽成君爲韓王 南雍本閩本作橫陽君

成

韓信傳

上不欲就天子乎 南雍本閩本作天下

必欲拜之 南雍本閩本必欲上皆有王字

破代禽夏說關與 史記趙奢破秦兵關與是也在上黨

涅氏縣

戰鋒不可當也 閩本戰作共

齊夸詐多變反覆之國南邊荒 南雍本閩本竝作南邊

楚

深說以三分天下之計 之計二字閩本作鼎足而王四字

信病不從 南雍本閩本信下有稱字

恐其黨不亂 亂南雍本閩本作就

彭越傳

漢王追楚爲項籍所敗固陵 固陵上當有脫字漢王之
敗敗于陽夏南非固陵也其與留侯計議令信越并力
擊楚乃在壁固陵之時見於本紀及張良傳此固陵上

當有壁字

黥布傳

太宰主之三日不得見 百官表奉常秦官其屬有太宰
是時諸侯王蓋亦有此官

臣竊爲大王或之 或古惑字或之者疑之也

隲謂布何苦而反 隲卽遙也說文無遙字賈誼傳貴賤
有等而下不隲師古曰隲與踰同陳湯傳橫厲烏孫踰
集都賴師古曰踰讀曰遙

吳芮傳

孝惠高后時封芮庶子二人爲列侯 孝惠時封便侯吳
淺高后時封沅陵侯吳陽

荆燕吳傳

荆王劉賈高帝從父兄也 諸侯王表作從父弟

澤還兵備西界遂跳 跳讀曰逃

子康王嘉嗣九年薨 表云二十六年薨自文三年至景
五年正合二十六年之數此作九年誤

立四十二年國除 高后七年至元朔二年凡五十四年
此作四十二年誤

乃封敬王澤元孫之孫無終公士歸生爲營陵侯 歸生
爲侯表失載

狢糠及米 狢他合切說文狢犬食也从犬从舌

意亦可乎 意與抑同

楚元王傳

某非敢忘封之也 史家避諱

封其子信爲羹頡侯 漢紀作刮羹侯

子禮爲平陸侯 閩本無子字

常爲穆生設醴 案高誘云醴以葉不以麴濁而甜中山經云其祠葉醴郭注云以葉作醴小顏謂少籩多米失之

劉德傳

後復爲宗正雜案上官氏蓋主事 宗正掌親屬諸公主家令門尉皆屬焉故蓋主事德亦案之

劉向傳

雜還眾賢 還及也公羊傳云祖之所逮聞也漢石經逮作還方言迨還及也東齊曰迨關之東西曰還或曰及說文還迨也又目部眾目相及也从目从隶省玉篇迨還行相及師古以爲聚積貌疑誤

又曰飴我釐楚釐楚麥也始自天降 毛詩作貽我來牟韓詩作貽我嘉麥文選典引注引薛君章句云麥大麥也陸氏釋文云貽字或作詒牟字書作楚或作釐案說文解字來周所受瑞麥來楚一來二縫象芒束之形天所來也故爲行來之來詩曰詒我來楚貽字在說文新附中古本作詒傳作飴假借川也來釐古字通毛詩說文作來傳作釐同始自天降者今文尙書太誓云武王

渡孟津白魚躍入于舟出渙以燎後五日火流爲鳥五
至以穀俱來故云自天降也

山氣卒崩 卒毛詩作萃釋文云本亦作卒

分曹爲黨往往羣朋 說文黨朋羣也

天下苦其役而反之 役古文役字見說文

上輒入之然終不能用也 入古納字納其言也師古以
爲召入非也

劉歆傳

然公卿大臣絳灌之屬咸介冑武夫 李善注文選謂絳
灌是一人非絳侯與灌嬰人昭案孝惠世周勃灌嬰俱
在而一取封地一取氏族不相倫類故李氏疑非二人

蓋據楚漢春秋謂高祖之臣別有絳灌然史傳中無此人且賈誼傳已云樊鄴絳灌樊指噲鄴指食其絳指周勃灌指灌嬰陳平傳云絳灌等或讒平樊噲傳云羣臣絳灌等莫敢入外戚傳絳侯灌將軍等曰吾屬不死命乃且縣此兩人蓋各舉其姓則周有周昌周竈之不同各舉其封地嬰又穎陰兩字不可單稱故當時有此絳灌之目

在漢朝之儒唯賈生而已 三史拾遺曰漢初田何濟南伏生魯申公齊轅固燕韓嬰魯高堂生齊胡毋生皆諸侯王國人唯賈生洛陽人在漢十五郡之內故云漢朝之儒唯賈生一人宋子京謂在漢朝不容更有漢

字蓋未之思耳

逸禮有三十九 文選九下有篇字

則有魯國柏公趙國貫公膠東庸生之遺學與此同 柏
當作桓李善注引七略云禮家先魯有桓生說經頗異
論語家近取邪王卿不審名及膠東庸生皆以教然則
李氏亦未詳庸生之名也攷後漢書儒林傳庸生名譚
雖昭其情 雖昭文選作深照

田叔傳

叔取其渠率二千人笞 千閭本作十

高五年傳

使棘蒲侯柴將軍擊破 案功臣表有棘蒲剛侯陳武此

又作柴說詳侯表

盡封悼惠王諸子罷軍等七人爲列侯 本紀亦作七人
攷王子侯表管共侯罷軍氏邳共侯甯國營平侯信都
楊邳侯安楊虛侯將閭勑侯辟光安都侯志平昌侯卬
武成侯賢白石侯雄渠俱悼惠王子同日受封此七人
當作十人下文云十五年分齊爲六國盡立前所封悼
惠王子列侯見在者六人爲王是時罷軍甯國信都等
已卒皆非見在故不得王

齊孝王將閭以楊虛侯立云云 案六王之立詳見諸侯
王王子侯各表矣此處可省

以令置八子秩比六百石 案外戚傳八子視千石比中

更此是諸侯王之八子故秩不同

蕭何傳

以文毋害爲沛主吏掾 毋害說各不同案郡國志云凡
郡國皆掌治民常以春行所主縣勸民農桑秋冬遣無
害吏案訊諸囚平其罪法劉昭注云律有無害都吏如
今言公平吏

秦御史監郡者與從事辨之何迺給泗水卒史事第一
辨治也秦時御史監郡郡中事皆與從事共辨之何爲
泗水卒史卽從事也蘇顏說皆失之

發縱指示獸處者人也 說文無蹤字蹤蹟字古作縱隸

釋郭仲奇碑云有山市之縱又云徵縱顯魯峻碑云比

縱豹產趙圉令碑云漢其縱高外黃碑云莫與比縱夏
承碑云紹縱先軌皆是也小顏乃疑非縱蹟之蹤誤矣
相國爲民請吾苑不許 南雍本閩本吾字在苑下
坐爲太常儀姓瘦免 儀表作犧說文犧宗廟之牲也賈
侍中說此非古字或者古亦借用儀

曹參傳

參以中涓從 中涓卽涓人之類國有涓人時陳勝傳勝
故涓人將軍呂臣爲蒼頭軍應劭曰涓人如謁者

北擊司馬欣 欣本紀及樊噲傳作扈

乃封參執帛 漢紀作執帛侯非也

擊章平軍於好時南 平邯之弟

還攻武彊 高帝封莊不識爲武彊侯卽此地

蕭何爲法講若遣一文穎曰講或作較 案講與料同料
卽角斗甬之角說文料平斗斛也文說是小顏訓講爲
和是非

載其清靜 靜南雍本閩本作靖

張良傳

和釐王悼惠王 古今人表作桓惠王

良年少未宦事韓 宦閩本作嘗

韓諸公子橫陽君成賢 功臣表傳寬以舍人從起橫陽
卽成所封地

賜良金百溢 溢古鎰字陳平傳賜金二十溢食貨志云

秦兼天下黃金以溢爲名孟康曰二十兩爲溢

顧上有所不能致者四人案釋云揚子雲法言曰美

行園公綺里季夏黃公角里先生班孟堅敘近古逸民
與揚子同陳留志云園公姓庾字宣明常居園中因以
爲號夏黃公姓崔名廣隱居夏里號曰黃公角里先生
姓周名術或曰霸上先生皇甫謐之徒說又相戾故小
顏悉棄不取陶淵明詩黃綺之南山杜子美詩黃綺終
辭漢似亦以夏爲地名也惟園稱陳留者舊傳自序云
園公爲秦博士避地南山惠太子以爲司徒至稱十一
世漢刻有園公角里先生神坐園公綺里季神祚机則
園稱蓋有據也師古以爲商山四皓三輔舊事云四皓

隱于上雒熊耳山是商山卽熊耳山

太子將兵有功卽位不益 卽史記作則則卽聲相近古
字通

人生一世如白駒之過隙 南雍本闕本世下有開字

取而寶祠之 寶史記作葆徐廣曰史記珍寶字皆作葆
陳平傳

亦食糠覈耳 廣韻引作糠粃

凡六出奇計 閒疏楚君臣一奇計也夜出女子二千人
滎陽東門二奇計也躡漢王立信爲齊王三奇計也僞
游雲夢縛信四奇計也解平城圍五奇計也其六當在
從擊臧荼陳稀黥布時史傳無文

周勃傳

攻蘭虞

史記作蒙虞索隱曰二縣名屬梁國

北救漆

救當從史記作攻

西擊益已軍

益已史記作盜巴

陳豨屠馬邑

陳豨上脫擊字史記及南雍本闕本皆有

勃以相國代樊噲將

時高帝怒噲使陳平即軍中斬噲

故勃代之

遼東二十九縣

遼東上史記有遼西二字案地理志遼

西縣十四遼東縣十八合之得三十二縣較絳侯所定

者多三縣後又有析置者耳且下云定郡五若無遼西

止四郡矣當從史記爲是

漁陽二十二縣 當作十二縣

每召諸生說士 士南雍本闕本並作事

國絕一年弟亞夫復爲侯 闕本無弟字亞夫上有文帝
乃擇勃子賢者河內太守十二字

祝茲侯徐厲 當作松茲說見侯表

直入武庫擊鳴鼓 擊下荀紀有柶字

亞夫固爭之不待 待當作得

樊噲傳

賜上間爵 上云賜爵國大夫賜爵列大夫下云賜爵五

大夫賜爵卿賜爵封號賢成君文顯以國大夫爲卽官

大夫爵第六級列大夫爲卽公大夫爵第七級然則上

聞爵卽公乘爵第八級也下文五大夫爵本第九級卿則左庶長以上封君則大庶長之屬矣

噲高后時用事顯權 南雍本闕本無噲字用事顯權謂呂須也

酈商傳

賜商爵信成君 案上文已云賜爵封信成君此又重出爵乎酈內侯 平南雍本闕本竝作皆

夏侯嬰傳

常躐兩兒棄之 說文蚩足刺蚩也讀若撥

閼所奪邑五百戶 閼南雍本闕本作賜

灌嬰傳

睢陽販糴者也 睢陽漢紀作洛陽

賜嬰爵列侯號昌文侯食杜平鄉 案絳侯世家云賜與
潁陰侯其食鍾離鍾離地理志屬九江然則杜平鄉當
是鍾離鄉名師古以爲杜縣之平鄉非是

所將卒斬右司馬騎將各一人 右司閫本作左右
所將卒虜單騎將軍華毋傷 單騎南雍本閫本竝作車
騎

從擊漢王信於代 漢當作韓

傅寬傳

封陽陵侯二千六百戶 侯下當有食邑二字

爲齊右丞相 功臣表無右字

靳歙傳

至五石三十九人 五下南雍本閩本皆有百字

子亭嗣有罪 坐事國人過律免

周昌傳

及高祖沛起 沛起二字當乙

以苛爲御史大夫 公卿表苛自內史遷則苛曾爲內史
矣

不然今爲慮矣 慮當作虜

然臣心知其其不可 南雍本閩本皆作然臣期期知其
不可

任放傳

以淮南相張蒼爲御史大夫 曹參傳爲齊丞相此亦當有承字

孝景五年薨 蒼之免相表在後二年此亦當云後五年申屠嘉傳

以材官蹶張 說文逝距也从走厚省聲漢令曰逝張百人蹶張卽逝張矣

孝文元年舉故以二千石從高祖者悉以爲關內侯食邑二十四人 案本紀吏二千石以上從高帝潁川守尊等十人食邑六百戶淮陽守申屠嘉等十人五百戶衛尉足等十人四百人紀是三十人傳止二十四人未知孰是

酈食其傳

陳畱高陽人也 元始二年封淮陽憲王孫竝爲高陽侯

梁孝王傳云北界泰山西至高陽郡國志陳畱圉有高陽亭劉昭引文潁云高陽聚邑名在圉縣西

欲率諸侯攻秦乎 攻閩本作破

爲人刻印玩而不能授 玩閩本作刈

後更食武陽卒子遂嗣 案史記云以父故封疥爲高梁

侯後更食武遂且稱武遂侯平旅此則武陽當爲武遂

矣表申疥子名勃而此作遂涉上武遂而譌耳

陸賈傳

欲以區區之越與天子抗衡爲敵國 伉南雍本閩本作

抗荀悅漢紀作抗行

女給人馬酒食極飲 飲閩本作欲

臣常欲謂太尉絳侯 謂閩本作語注同

朱建傳

聽梁父侯遂反 梁父泰山縣侯姓遂名也瓚說誤

君何不肉袒爲辟侯言帝 南雍本閩本俱作辟陽

叔孫通傳

子孫奈何乘宗廟道以行哉 以南雍本閩本作上

淮南王傳

皇帝骹天下正法而許大王 骹猶骹骹也枚皋傳其文

骹骹曲隨其事

野戰次城 次當作攻

觸情妄行不詳 詳與祥同尙書告爾祥刑後漢書劉愷傳引作詳刑君奭云其終出於不祥蔡邕石經作其道出於不詳易履上九云視履考祥釋文云本亦作詳
亾之諸侯游宦事人及舍匿者論皆有法 舍匿謂匿於其舍季布傳購求布千金敢有舍匿罪三族是也是時長收聚漢諸侯人及有罪亾者匿與居故有是言

及以亾名數自古者 古南雍本闕本竝作占

與棘蒲侯柴武太子奇謀 太子棘蒲侯之太子也奇其名

大夫但士伍開章等 上云男子但猶言矣男子耳此云

大夫是民爵第五級張晏以大夫爲但之姓豈士伍亦
開章之姓乎必不然矣

列侯吏二千石臣嬰等四十三人議 嬰夏侯嬰也其時
灌嬰陳嬰皆前卒

獨斬丞相御史以謝天下迺可 案淮南王之死非丞相
御史之故也斬之何爲此句疑有誤字下文云上卽令
丞相御史逮諸縣傳淮南王不發封餽侍者皆棄市是
在案蓋所請矣爰必不請斬丞相御史明甚

吳使者至淮南淮南王欲發兵應之 淮南二字閩本不
重

漢亦使曲成侯將兵救淮南 曲成侯蟲達之子名捷小

顏以爲名捷非是

作爲內書二十一篇 西京雜記云淮南王安著鴻烈二十一篇鴻大也烈明也言大明禮教號爲淮南子一曰劉安子自云字中皆挾風霜揚子雲以爲一出入多與金錢爲中訓長安 說文訓知處告言之

事下廷尉河南河南治 案壽春嚴正上書言淮南事亦以其事下廷尉河南治又衡山王上書告太子不道事亦下沛郡治又趙太子丹事亦繫魏郡詔獄與廷尉雜治又廣川王去事治鉅鹿詔獄此重河南二字衍文大臣必徵膠東王不卽常山王 不古否字卽則古通用衡山王傳

后乘舒死 閩本無乘舒二字

个居外家 今南雍本閩本作令

作棚車鍛矢 說文棚兵車也

遣中尉安大行息 安卽司馬安汲黯姊子所謂文深巧

宦四至九卿者也息李息也大行下當有令字

荆通傳

所以不敢事刃於公之腹者師古曰事本作傳 案傳字

說文所無古只作事

先下君而君不利 南雍本閩本不利下竝有之字

通善齊人安其生 漢紀作安期生

伍被傳

今我令緩先要成泉之口 緩漢紀作樓緩

故孟子曰紂貴爲天子死會不如匹夫 今孟子無此文
或曰孟子外篇玩語氣孟子文似只此二句下三句是
伍被引伸之詞王氏藝文志攷證合下三句皆爲孟子
外篇非也

江充傳

充出逢館陶長公主行馳道中 陳景雲曰案功臣表館
陶公主子堂邑侯陳卒須元鼎元年坐毋公主卒服未
除云云卽主卒於元狩之末及江充貴幸主没已十餘
年矣館陶字誤無疑

後充從上甘泉 後閭本作先

息夫躬傳

太后及弟宜鄉侯馮參皆自殺 弟中山太后弟

諸曹以下僕遯不足數 召南野有死麕云林有樸楸毛

傳樸楸小木也僕遯與樸楸字異音義同言其才小弱

不任用

如使狂夫噪諱於東崖 說文噪聲噪噪也

未有能窺左足而先應者也 窺讀與赴同說文赴半步

也俗或作顛荀子勸學篇云不積跬步無以至千里楊

倮曰半步曰顛

羽檄重迹而押至 押疑是狎之譌

器用監惡 四牡詩傳監不堅固也鵠羽詩傳監不攻緻

也

石奮傳

以奮爲中涓受書謁 陳平世家云是時萬石君奮爲漢王中涓受平謁卽其事也

朕方答氣應 氣閩本作瑞

直不疑傳

拜爲御史大夫 據表自衛尉遷

文三王傳

梁懷王揖 揖史記作勝

西至高陽蘇林曰陳留北縣 注有誤字當云在陳留國

縣說詳酈食其傳

大臣及爰盎等有所關說於帝太后 案關說二字起於
此篇又佞幸傳云高祖時則有籍孺孝惠有閔孺俱以
婉媚貴幸與上臥起公卿皆因關說

義格注格音格鬪 鬪本作格者格鬪也

梁相軒邴豹 楚文王庶子食采於軒氏因以爲氏見廣
韻

弟南雍本鬪本作帝史記作景帝

參徒爲代王復并得太原 參兼王代太原地故地理志
大陵縣屬太原而衛綰傳云代大陵人

凡立四十年薨 表作三十八年此誤

案買立十年薨 案買立於孝景後元年薨於武帝

漢書卷一百一十一
建元四年表作七年是也此誤

天子遣廷尉賞大鴻臚由 賞方賞由畢山也

賈誼傳

制度定官名 閩本制下有法字

嗟若先生 若當作苦文選注引應劭曰苦勞苦也

般紛紛其離此郵兮 般字从舟說文般辟也象舟之旋

小顏以爲字從丹青之丹謬矣

遙增擊而去之 史記作搖增闢逝而去之大昭案擊卽

闢也古擊隔通用長楊賦枯隔鳴球韋昭曰古文隔爲

擊說文玉部璆讀若隔裘部融讀若擊

單閼之歲四月孟夏徐廣曰文帝六年歲在丁卯 談泰

曰依三統術起辰法推之孝文六年太歲在丙寅單閼之歲是七年也徐說誤

注此以造化爲大鈞也 此以閏本作以比

忽然爲人何足控揣如淳曰揣音團 案揣無團音必作搏字乃與思字合韻文選作控搏并引如淳曰搏音團或作揣是如淳本作搏也小顏變其字而仍其音遂致讀者不可解矣

以幸天下 賈誼新書幸作宰

彼自丞尉以上偏置私人 偏新書作偏

日中必費 費當作斐注同說文斐暴乾火也

陛下雖賢誰與傾此師古曰領理也 案仲尼燕居云敢

問禮也者領惡而全好者與鄭注領猶治也領治是古訓師古避諱改爲理

莫不制從 制從新書作從制

家貧子壯則出資 如淳注嚴助傳云淮南俗賣子與人作奴婢者名爲贅子三年不能贖遂爲奴婢說文贅以物質錢从敖貝敖者猶放貝當復取之也質以物相贅从貝从所故漢之七科謫贅埒同於吏有罪亡命等也小顏謂不當出在妻家猶人身體之有疣贅失之矣今人以就婚婦家爲贅婿猶浴小顏之謬說

而禮之所爲生難知也 生固本作用

奧語亡節 說文奧頭衷散奧態也从大

漢書辨疑卷十七終